

مشتاقنامه

مطبعة و محل اداره :

جمال اوغلانده امنیت
مندیوخی جوارنده
شنگول یقوشنده
۲۵ نومبر

سلک زه موافق آثار
جدیده مع الممنونه
قبول اولتور

درج ایلمه یین آثار اعاده اولتور

دیه ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه و بحث ایدر و هفته ده بر نشر اولتور.

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

در سعادتده نسخہ سی ۵۰ یاره در

قیرله دن مقوا بورو ایله کوندریلمیرسه سنوی
۲۰ غروش فضله آلتیر

عدد : ۱۸۱

۴ ربیع الاول ۱۳۳۰ پنجشنبه

۹ شباط ۱۳۲۷

یدنجی جلد

اقتصاد، یا خود تدبیر ثروت

بوعلمدن ویریله جک درس لر اقتصاد ، اسراف و تبذیرک ذمی حقه ده
شرفوارد اولان آیات واحادیثدن و بوکا بناء شریعتجه مالک ، مضر
ویا فائده سز شیر ایچون غسل و وضوء ده بیله صویک اسرافی منی اولدینی
کبی - صرف اولمه سنک ممنوع اولدیغندن باحث بر مقدمه ترتیب اولونور
وینه بومقدمه ده بو خصوصده اسلامیت و نصرانیت و بو ایکی دینک
تابع لری آردسند کی تأثیرلرینک اختلافی - چونکه مسلمین و نصارانک
جمهور لری ، صولک عصر لرده بو خصوصده دینلرینک کندیلرینه کوستردیکی
یولک ضدینه سالک اولمشلردر - بیان ایدیلر . بوئدن باشقه بو
زمانده ثروتک حیات ام و دولده حائز اولدوغی مکانت و تأثیر عظیم دن ده
بحث اولنور .

اصول قوانین ، حقوق دول ، انواع نظام

صنف مرشدین

صنف مرشدینده : شرکات ، نقابات ، جمعیات محاکم شرعیه ،
مجالس حسیه و بلدییه ، نظام اداره ، وقضاء اهلی و مختلط مباحثی ،
شاگردانک ، بولون دقلری عصرده حکومت قانونیه نک تمسک ایلدیکی
قوانینده بصیرت اوزره بولمه لرینه مدار اوله جق مرتبه ده تدریس
اولونور .

صنف دعاة

صنف دعاة مناسب درجه ده حقوق دول ، اصول قوانین ،
فلسفه قوانین اوقونور و بونلرک هر بابنده کوروله جک مسائلک شرع
شریف ایله نسبتلری بیان اولونور . بوبابده (بنیان) ، (مونه
سکیو) کبی حکمای غریبه آثارندن استعانه اولونور .

مابعدی وار

تعدیل حروف و تعمیم معارف حقنده کی اجتماع

شهر حال رومینک اوچنه متصادف اولان کچن جمعه کونی بعدالظهر
(تعدیل حروف و تعمیم معارف) نامنه ، استاد اکرم رجبائی زاده اکرم
بک افندی حضرتلری امضاسیلا ، وقوع بولان دعوتله دارالفنون قونقه رانس
سالوننده مهم و محترم بر اجتماع عقد اولندی .

استاد اکرم بک افندی حضرتلری راحتسز لقلرندن طولانی
کله مدکرندن اجتماعه غازی احمد مختار پاشا حضرتلری ریاست بویوروب
اصلاحات مالیه قومیسونی اعضای محترمه سندن و فضیلا عثمانیه دن عطا
بک افندی حضرتلری معاونت ایلدیلر .

ابتدا مجلس اعیان رئیس عالیسی مشیر افخم غازی احمد مختار پاشا
حضرتلری بر خطابه افتتاحیه ایله سوزده باشلا یوب بر ساعت قدر

سویله دیلر . لسانم زده اوقویوب یازمه نک مشکلاتی و بو مشکلاتک
مضراتی درجه درجه اراؤه و اثباتله برابر تسهیل قرائت ایچون
وقتیه طرف سامیلرندن مرتب تحت اوزرنده محرر نمونه لری
بالذات تشهیر ایلدیلر . بعده عطابک افندی حضرتلری کرسی یه کلوب
ینه بو موضوع اوزرینه بر طاقم حقایق و دقائق بسط ایله مشکلات
موجوده نی و بونک اسباب و عللی عریض و عمیق شرح بویوردی .

صوکره استاد محترم دفتر خاقانی ناظری محمود اسعد افندی حضرتلری
مسأله نک انحا و غایاتی افکار و مشاهدات مخصوصه متبحرانه لر یله ایضاح
بویوروب مشارالیه دن صوکرده اصل اجتماعک باغی اولان (یکی یازی) صاحبی
مدقق حمیتور دو قنور میلایلی اسماعیل حق بک افندی کرسیده
کورینه رک کندیسنی بو فکره سائق اولان احوالی ایضاحات عمیق و مفصله ایله
بسط و بیان ایلدی .

بونلردن صوکره دخی دو قنور معلم نجم الدین عارف ، آرقداشمز
اسپارطه لی حق ، مکتب مشهور مؤسسی بدروس ذکی ، فرانسرجه
ژون ترک غزته سی صاحبی جلال نوری ، دو قنور صائب ، جلال الدین
بک افندی و فضیلا محررین و معلمیندن بعض ذوات مفصل و یا مختصر
خطابه لر سرد و اتیان ایدوب حرارتلی مناقشه لر و صمیمی آقیشلر آراسنده
اجتماع آقشامه قدر دوام ایتدی . نتیجه ده یازینک تعدیلی اساسی قبول
ایدیلوب برانجمن و هیئت اداره تشکیل قیلنمق اوزره طرفدارانک اسملری
دفتر مخصوصنه قید اولندی و کتابی استانبول ولایاتی معیت مأمورلرندن
علی نصرت بک افندی ایفا ایلدی .

اجتماعده ، محترم آرقداشمز اسپارطه لی حق بک اوراده کی
خطابه سنده تصویر ایتدیک و جهله « بر طرفده بو کونکی معرفت بطنی یتیشدیرن
استادلر ، بر طرفده حالک و استقبالك دکرلی صاحبی کنجدر » دن مشکلی « هیبتلی
بر هیئت » اجتماع ایتشدی . قونقه رانس سالونی آب زلال معارفه تشنه
و ترقیات و تجدیدات عثمانیه و اسلامیه یه عاشق کزیده مستمعین و مکاتب
عالیه و تالیه طلبه سیله خنجا خنچ طولو ایدی ، تجدیداته قارشلی واقع
اولان بو تظاهرات کوستریرک بحوله تعالی ترقیه طوغری کیدیورز .
آرقداشمز اسپارطه لی حق بک ساده لکده نمونه اولان صمیمی
و شیرین خطابه سنک - بوهفته کی نسخه سی طولش بولندینی جهتله -
اون بش کون صکره کی (تورک یوردی) نده نشر ایدیله جکنی مسرتله
خبر آلدق . بومناسبتله شونی ده تصحیح ایتک ایستهرز که آرقداشمزک اسمنی
غزته لردن برینک « برکت بزاده اسماعیل حق بک افندی » دیه
یازمی اثر سهودر .

(یکی یازی) حقنده کی مطالعه مزای ایلری یه تعلیق ایله رک مملکتی
تخلیص ایده جک تظاهرات ماثله یه اشتراکله بو قیل اجتماعلرک تکثر
وتوالی ایتسنی جناب حقندن نیاز ایدرز .